

Vedtekter for Lærdal båteigarlag

Nye, reviderte vedtekter gjeld frå 13. mars 2012. Dei vart vedtekne av årsmøtet 2012 same dato.

Desse erstattar vedtektene for Lærdal båteigarlag frå skipingsdatoen 17. april 1964, seinare reviderte 6. mars 1997.

§ 1 Namnet på laget

Namnet på laget er Lærdal båteigarlag, skipa 17. april 1964.

§2 Føremål

Føremålet er å fremja og ta vare på dei interessene laget har når det gjeld bruk av fritidsbåtar.

Vidare skal laget arbeida for kontinuerleg vidareutvikling og vedlikehald av hamneanlegg, bygningar, utstyr og friareal knytte til hamneanlegget. Alle medlemene må ta godt vare på eigenlutene til laget.

I tillegg skal ein vera oppteken av å oppretthalda eit godt, sosialt og mellommenneskeleg miljø, både i hamneområdet og på sjøen.

Laget skal og arbeida for å skaffa medlemene gode, trygge og rimelege båtplassar og utvikla god sjømannskap ved å tilby maritime kurs både for medlemmer og andre båtinteresserte.

§ 3 Juridisk person

Laget er sjølvvegande og ein frittstående juridisk person med upersonleg og avgrensa ansvar for gjeld.

§ 4 Medlemer / medlemskap

Alle personar over 16 år kan søkja medlemskap i laget. Søknad om opptak i laget skal ein senda skriftleg til styret i laget. I søknaden må ein opplysa om: namn, adresse, alder og annan kontaktinformasjon. Vidare skal ein opplysa om: båttype, storleik og registreringsnummer.

Styret handsamar søknader om medlemskap i den rekkjefylgja dei kjem inn. Når styret finn høveleg båtplass til søkjaren, vil ein kunna stetta søknaden om medlemskap. Godkjend medlemskap gjev rett til båtplass.

Det er opp til styret v/hamnesjefen å tildela båtplass. Hamnesjefen har fullmakt til å flytta båtane til medlemene til andre bryggjeplassar i hamna. Dette gjer ein for å utnytta hamna maksimalt, og når tryggleikssyn gjer dette naudsynt.

Medlemskapen gjeld for kalenderåret.

Utmelding av laget må sendast skriftleg til styret innan 1. februar. Ved utmelding vil retten til båtplass i hamna opphøyra frå 1. mars same året. Medlemskap kan ikkje automatisk overførast til ny eigar av båt til tidlegare medlem. Ny båteigar må søkja på vanleg måte, og søknaden skal handsamast av styret i innkomen rekkjefylgje.

Ved død kan medlemskap overførast til rettmessige livservingar, frå foreldre til born.

§ 5 Medlemsplikter

Søkjær av medlemskap pliktær ved innvilgær søknad å gjerær seg kjend med dei vedtektene som gjeld til kvar tid, lover og anna reglement, og å etterleva dei.

Medlemene har eit eige og sams ansvar for å sjå til at båtær og eigneluter som laget eig, ikkje vert utsette for skade. Ved påførd skade har skadevaldar ansvaret for å varsla hamnesjefen og sjå til at skaden vert reparert / betalt erstatning innan rimeleg tid...

Alle båtær som har motor, skal vera registrerte og ha montert kjennemerke på båtên.

Når det gjeld avgjerder knytte til hamneområdet, er hamnesjefen suveren og har fullmakt til å handheva desse.

Medlemene pliktær å betala årskontingenten og avgifter uoppmoda, etter utsend faktura og innan gjeldande betalingsfrist.

Å melda skriftleg til styret i laget om endringær i personalia; adresser, telefonnummer, epost-adresser og endringær i opplysningær som låg føre ved søknad om medlemskap.

Dersom ein medlem vurderer å skaffa seg annan eller større båt, skal hamnesjefen kontaktast føreåt for godkjenning om det er plass til denne i hamna.

Det kviler også plikt på medlemene til å verna om interessene og ryktet til laget, og til å bidra til orden og reinsemd i hamna.

Medlemene pliktær og å delta i vaktordningær i hamna, dersom styret finn dette naudsynt.

Medlemene pliktær årleg å delta på dugnad og andre felles aktivitetær, etter behov og minimum 4 timar. Dette skjer etter innkalling frå styret / hamnesjefen. Dersom medlemer eit år har utført svært mykje dugnadsarbeid eller reparasjonær i hamna, kan dette avreknast over fleire år.

Medlemene pliktær å ta imot dei tillitsverva dei vert valde til. Kvar medlem kan nekta attval for like lang tid som han har sete i eit tillitsverv.

Brot på medlemspliktene kan føra til reaksjonær etter § 15.

§ 6 Røysterett og valførleik

Alle medlemer har røysterett og er valføre til tillitsverv i laget.

§7 Kontingent

Årsmøtet fastset kontingenten. Faktura vert send ut i mars, betalingsfrist er 2 veker. Ved purring på ubetalt kontingent etter at betalingsfristen er gått ut, vil det verta plussa på eit gebyr som årsmøtet fastset. I tillegg skal det betalast avgifter for brukt straum, leige av utstyr etc.

Kontingenten gjeld for kalenderåret. Dersom ein medlem vert teken opp i laget midt i eit kalenderår, skal kontingenten betalast for heile året. I tillegg skal det betalast eit innmeldingsgebyr (berre 1. året).

Det vert berre sendt ei purring, og dersom kontingenten då ikkje vert betalt innan purringstidsfristen, vil styret handsama saka etter § 15.

§ 8 Godtgjersle til dei tillitsvalde

Årsmøtet skal ta stilling til kven av dei tillitsvalde som skal motta godtgjersle og kor stor ho skal vera. Det sitjande styret skal utarbeida framlegg til dette for årsmøtet.

§ 9 Årsmøte

Årsmøtet er høgste myndet i laget, og alle medlemmer har tilgjenge til det.

Årsmøtet skal haldast innan 15. mars og skal kallast inn av styret med minst 2 vekers varsel. Innkallinga skal innehalda fullstendig sakliste. Framlegg som medlemmer ynskjer handsama på årsmøtet, skal vera sende til styret seinast 2 veker før møtet.

Årsmøtet er vedtaksført med det talet røysteføre medlemmer som møter. Ingen har meir enn ei røyst. Røysting kan ikkje skje ved fullmakt.

På årsmøtet kan ein ikkje handsama framlegg om vedtektsendring som ikkje er oppført på saklista seinast 2 veker før årsmøtet.

Andre saker kan handsamast og avgjerast når 2/3 av dei frammøtte krev det. Slik avgjerd kan ein berre ta i samband med godkjenning av saklista.

§ 10 Leiing av årsmøtet

Møteleiar vald av dei frammøtte leier årsmøtet.

§ 11 Røysting på årsmøtet

Eit lovleg samankalla årsmøte er vedtaksført med dei frammøtte medlemene. Det kan ikkje røystast med fullmakt.

Val av medlemmer til styret skjer ved at det vert røysta for ein medlem om gongen. Valet vert avgjort med eit fleirtal av dei avgjevne røystene. Dersom ingen får fleirtal ved fyrste røystinga, vert det røysta på nytt mellom dei to kandidatane som har fått flest røyster ved fyrste røysting. Får kandidatane likt tal røyster ved andre røysting, vert valet gjort ved loddtrekking.

§ 12 Oppgåvene til årsmøtet

Årsmøtet skal:

- 1 Handsama årsmelding
- 2 Handsama rekneskap i revidert stand med revisormelding
- 3 Handsama innkomne saker
- 4 Fastsetja kontingent
- 5 Handsama framlegg til budsjett
- 6 Velja:
 - Leiar og nestleiar (vert valde for 1 år)
 - 2 styremedlemer (vert valde for 2 år)
 - Kasserar og sekretær (vert valde for 2 år)
 - Hamnesjef (vert vald for 2 år)
 - 2 vararepresentantar til styret (vert valde for 2 år)
 - 2 revisorar (vert valde for 1 år)

- 1 vararepresentant for revisorar (vert vald for 1 år)
- 3 medlemmer til valnemnd – 2 valde frå årsmøtet og 1 vald frå styret (alle vert valde for 1 år)

7 Fastsetja godtgjersle til medlemene i styret

§ 13 Ekstraordinære årsmøte

Ekstraordinære årsmøte vert haldne når styret bestemmer det, eller minst ein tredel av dei røysteføre medlemene krev det.

Innkalling skjer på same måte som for ordinære årsmøte, med minst 2 vekers varsel.

Ekstraordinært årsmøte kan berre handsama og ta avgjerd i dei sakene som er kunnngjorde i innkallinga.

§ 14 Styret

Mellom årsmøta er styret høgste myndet i laget. Styret skal ha 7 medlemmer: leiar, nestleiar, hamnesjef, kasserar, sekretær og 2 styremedlemmer.

Styret skal:

- 1 iverksetja årsmøtevedtak
- 2 ivareta økonomien i laget i samsvar med budsjett godkjent av årsmøtet
- 3 handheva vedtekter, lover og anna regelverk i laget
- 4 utarbeida hamnereglement / instruks
- 5 oppnemna etter behov komitear / utval / personar for spesielle oppgåver og utarbeida instruks for desse
- 6 administrera og føra naudsynt kontroll med økonomien i laget i samsvar med det som er bestemt
- 7 representera laget utetter

Styret skal halda møte når leiaren krev det, eller eit fleirtal av styremedlemene krev det.

Styret er vedtaksført når eit fleirtal av styremedlemene er til stades. Vedtak vert gjort med fleirtal av dei avgjevne røystene. Ved røystelikskep tel røysta til møteleiaren dobbelt.

§ 15 Eksklusjon

Ved grovt brot på gjeldande vedtekter, lover og anna regelverk kan styret gå til eksklusjon av ein medlem. Dette krev 2/3 fleirtal av lovleg sett styre. Om ikkje tilhøvet vert retta opp innan rimeleg tid, vil det verta sendt nytt varsel i rekommandert brev, med 2 vekers frist til å retta opp i forholdet. Skjer ikkje dette, kan vedtak om eksklusjon gjerast, og medlemskapen opphøyrer umiddelbart. Medlemen misser då alle sine rettar i laget, også retten til båtplass.

Vedkomande kan ikkje krevja noka form for refusjon av innbetalt medlemskontingent og må betala eventuell restanse umiddelbart.

Mesdlemen kan klaga vedtaket om eksklusjon inn for det komande årsmøtet, men ein anke opphevar ikkje eksklusjonen fram til årsmøtet.

§ 16 Vedtektsendring

Endringar i desse vedtektene kan berre gjerast på ordinært eller ekstraordinært årsmøte etter å ha vore på saklista, og det trengst 2/3 fleirtal av dei avgjevne røystene.

§ 17 Oppløysing

Oppløysing av laget kan berre handsamast på ordinært årsmøte. Dette krev 2/3 fleirtal av dei avgjevne røystene.

Samskipnad med andre foreiningar ser ein ikkje på som oppløysing av laget. Vedtak om samanslutning og turvande vedtektsendringar i samband med dette vert gjorde i samsvar med føresegnene om vedtektsendring, jf. § 16.

Ved ei mogleg oppløysing av laget vil eignelutene til laget gå til Redningsselskapet (NSSR).